

蔣致遠主編
中國民俗叢書

中國方言語彙全集

宗青圖書公司印行

異
號
類
編

同治丁丑槧

異號類編

止園藏板

異號類編序

古者生而命名既冠而字五十加伯仲名命也命之自尊以別於人也字以表德至加伯仲則德與年進人皆仰而尊之矣至于別號之興大氏始於周秦之際瑰奇之士不得志於時放浪形骸兀真自喜假言託喻用晦其名然而其人既有著述以自見則聞於當時傳諸後世其名雖晦其號益彰鬼谷鶻冠之流蓋其著也自是以後通人慕之競相標尙至宋而泛濫極矣上而君相下至商賈莫不假山林隱逸之稱儒林文墨之號甚且彼此沿襲不厭雷同至今未已而其間又有一種出於別號之外當世之所指目記載因而流傳如俗

所謂混號者其於命名表德之義益遠不相涉而指事類行頗具微詞宗人香厓以循陔之暇搜討載籍彙而錄之名之曰異號類編屬爲序其緣起予因爲之說曰異號非號也非號而謂之號者人噀之而已不得不受之則無異於自號之也其義有美焉有刺焉其美者或因愛戴而指頌其功名其刺者或切怨恫而寓誅於斧鉞語雖俚質意足勸懲使覽之者別有會心則葺之者未爲無益至若浪士自嘲狂朋虐謔象形惟肖摹隱偏工雖傷雅道並流簡冊旣資博記尤助倚談自功令以八比取士游庠序者率束史書不觀甚至竹帛垂名昭然在人耳目者尙不能辨悉又況乎記載之繁名字

之賦而欲其流覽不倦識別於心蓋亦難矣是編也出其不
爲經生家覆瓿之具乎然香厓之爲此編蓋以廣實賓錄之
所未備者後世而有子雲請以俟諸異日

咸豐己未五月十七日溧陽宗弟一經拜手撰

異號類編卷一

樂亭 史夢蘭 香厓輯

稱美類一

太公望 史記齊世家周西伯出獵遇太公於渭之陽與語大說曰自吾先君太公曰當有聖人適周周以興子真是邪吾太公望子久矣故號之曰太公望

首陽子 無能子武王伐紂伯夷叔齊叩馬諫左右欲兵之武王義而釋之伯夷叔齊乃反隱首陽山號首陽子

京城太叔 左傳

老萊子 路史李伯陽甫生而能語黃面皓首故謂之老子

邑于苦之賴賴乃萊也故又曰老萊子

卿子冠軍

漢書項籍傳王召宋義爲上將軍別將皆屬號

卿子冠軍

游閑公子

史記貨殖傳宛孔氏之先梁人也有游閑公子

之名

素臣

實賓錄素臣謂丘明也

馬服君

史記廉蔭列傳趙奢縱兵擊破秦軍解闕與之圍

趙惠王賜奢號馬服君註因馬服山爲號也一曰馬服者

言能服馬也

智囊

史記樛里子者名疾秦惠王之弟也滑稽多智秦人

人號曰智囊

漢書晁錯爲人峭直刻深爲太子家令太

子家號曰智囊

後漢書魯恭傳恭祖父匡王恭時爲義

和有權數號曰智囊

雞肋晉杜預號智囊

大唐新語

王德儉許敬宗之甥也癯而多智時人號曰智囊

五穀大夫

史記秦本紀

百里奚亡秦走宛楚鄙人執之繆

公以五穀羊皮贖之授之國政號曰五穀大夫

飛將軍

史記李廣爲古北平太守匈奴號曰漢之飛將軍

避之數歲不敢入

車丞相

漢書車千秋本姓田氏千秋年老上優之朝見得

乘小車入宮殿中故因號曰車丞相

雙雁太守

漢書虔國遷日南太守每行縣有雁飛翔隨其

車歸則止於廳事庭中時人嘉之號雙雁太守

黃車使者

漢書藝文志虞初周說九百四十三篇初河南

人也武帝時以方士侍郎乘馬衣黃衣號黃車使者

召父

漢書召信臣爲南陽太守吏民親愛號之曰召父

丁將軍

漢書儒林傳丁寬字子襄梁人受易號丁將軍

通明相

漢書翟方進知能有餘兼通文法吏事以儒雅緣

飾法律號爲通明相

萬石君

漢書石奮長子建次甲次乙次慶皆以訓行孝謹

官至二千石於是景帝曰石君及四子皆二千石人臣尊

寵舉集其門號奮爲萬石君

後漢書馮勤傳勤曾祖楊

宣帝時爲宏農太守生八子皆爲二千石號萬石君

棄繻生

漢書終軍傳初軍從濟南當詣博士步入關關吏

予軍繻軍問以此何爲吏曰爲復傳還當以合符軍曰大丈夫西遊終不復傳還棄繻而去軍爲謁者使行郡國建節東出關關吏識之曰此使者乃前棄繻生也軍死時年二十餘故世謂之終童云

千里駒

漢書楚元王傳劉德有知術少時數言事召見甘

泉宮武帝謂之千里駒史記魯仲連傳注仲連年十二號千里駒案漢後史傳稱千里駒者甚多皆由此沿襲不具

錄

魯詩宗

漢書

江生魯人江翁也昭帝時爲博士號魯詩宗

一錢太守

續漢書

劉寵遷會稽太守郡中大治徵入爲將

作大匠山陰有五六老翁相率送寵人齎百錢寵謝之爲
選受一大錢故號寵爲取一錢太守

驄馬御史

後漢書

桓典爲侍御史執政無所迴避常乘驄

馬京師畏憚爲之語曰行行且止避驄馬御史

白衣尙書

後漢書

鄭均爲尙書澹泊寡欲以病乞骸骨章

帝敕賜尙書祿終其身時人號爲白衣尙書

大樹將軍

後漢書

馮異傳諸將並坐論功異獨屏大樹下

軍中號大樹將軍

白馬從事

後漢書李憲傳憲伏誅餘黨猶聚屯潞山廬江

人陳衆乘單車駕白馬往說而降之潞山民共立爲生祠
號白馬從事云

關西孔子

後漢書楊震少好學明經博覽無不窮究諸儒

爲之語曰關西孔子楊伯起 山房隨筆楊煥然號關西

夫子

賈長頭

後漢書賈逵自爲兒童常在太學不通人間事身

長八尺二寸諸儒爲之語曰問事不休賈長頭

任聖童

後漢書任延年十二學於長安明詩易春秋顯名

太學學中號爲任聖童

張聖童

後漢書張堪年十六諸儒號曰聖童

張曾子

後漢書張霸年數歲而知孝讓雖出入飲食自然

合禮鄉人號爲張曾子

江巨孝

後漢書江革少失父獨與母居每至歲時縣常案

比革以母老不欲搖動自在輶中輓車不用牛馬鄉里稱之曰江巨孝

賈父

後漢書賈彪補新息長小民困窮多不養子彪嚴爲

其制與殺人同罪數年間人養子皆千數歟曰賈父所生男名爲賈子生女名爲賈女

又賈琮傳交趾屯兵執

刺史有司舉琮爲交趾刺史移書告示各使安其資業誅
斬渠帥爲大害者百姓以安巷路爲之歌曰賈父來晚使
我先反今見清平吏不敢飯

杜母

後漢書

杜詩爲南陽太守政治清平時人以方召信

臣爲之諺曰前有召父後有杜母

強項令卧虎

後漢書

董宣爲洛陽令湖陽公主蒼頭殺人

匿主家吏不能得及主出以奴驂乘宣乃駐車叩馬大言
數主之失叱奴下車因格殺之主訴帝召宣欲捶殺之宣
以頭擊楸流血被面帝使謝之宣不從強使頓之宣兩手
據地終不俯因勅強項令出賜錢三十萬由是搏擊豪彊

莫不震慄京師號爲臥虎

健令

後漢書馮魴傳帝案行鬪處知魴力戰迺嘉之曰此

健令也

十國春秋後蜀李匡遠爲鹽亭令時盜賊所在

充斥匡遠擒捕無虛日時號曰健令

神父

後漢書宋登爲汝陰令號稱神父

又鮑德修爲南

陽太守吏人愛悅號爲神父

白馬生中東門君

後漢書張湛傳光武臨朝或有情容湛

輒陳諫其失常乘白馬帝每見湛輒言白馬生且復諫矣
後稱疾居中東門候舍時人稱曰中東門君

避世牆東王君公

後漢書逢萌傳王君公儉牛自隱時人

謂之論曰避世牆東王君公

元德先生

後漢書法真傳順帝前後四徵真終不屈乃共

刊石頌之號曰元德先生

潛龍

獨異志後漢馬略年十七閉戶讀書九年不出鄉里

謂之潛龍

白鳩郎

搜神記漢徐憲在喪至哀白鳩巢戶側鄭宏舉爲

孝廉朝廷稱爲白鳩郎

瘦羊博士

東觀漢記甄宇拜博士每臘詔賜博士人一羊

羊有大小肥瘦時議欲殺羊分肉宇因取瘦者自是不復
爭後召會詔問瘦羊博士所在京師因以爲號